



Шочмо эл, порылык да чын верч!

БУДЬ ГОТОВ /

14-ше (3714) №,
2025 ий 11 апрель,
кугарня



0+

Ямде лий

1933 ий 1 февраль годсек лектеш.



Эн виян да чолга самырык тукым

4 апрельште Республикысе курчак театр 250 утла йочалан шке омсажым почын. Амалже – Марий тўвыра рўдерын эрта-рым «Самырык тукым» йоча усталык конкурс. Тушко республикысе лу район гыч ўдыр-рвезе-влак погыненыт. Нуно «Муро», «Куштымаш» да «Сыл-нымут-сылнысем композиций»

тангас почеш мастарлыкштым ончыктеныт.

Мероприятий кажне ийын ойыр-темалтшын эртаралтеш. Тений пайрем Шочмо элым аралышын идалыкшылан да Кугу Ачамланде сарыште Сенгымашлан 80 ий тем-мылан пўлеклалтын. Йоча-влак темым келгын почын ончыкте-ныт. Теве 1-ше номеран Морко

школын «Чолга шўдыр» коллек-тивше (снимкыште) «Эргына-влак шочыт да каят» композиций дене кажне ончышын чонышкыжо ло-галын да шинчавўдым луктын. Нуно шке номинацийыштышт 9-11-ше классла коклаште икым-ше верым сенген налыныт.

Умбакеж – 3-шо лаптыкыште.

Оля МАЙКОВАН фотожо.

ПОДПИСКЕ

Россий мучко 2025 ийын кокымшо пелийжылан газет ден журнал-влаклан подпискым ыштыме тургым тўналын.

12 апрель марте Подписчикын декадыже эртаралтеш. «Ямде лий» газетлан шулдырак ак – 436 тенгеат 14 ыр (Марий Элыште) – дене возалташ вашкыза. Индекс – П4696.

Рекламе.

Российысе увер

12-18 ияш ўдыр-рвезе-влак, «Зеркала Будущего PRO» всероссийский кинофестивальыш ушныза. Шке ямдылыме кинофильмым, видеоблогым але клипым колтыза. Паша-шамычым 15 июль марте вучат.

«БИОТ АРТ» конкурс «Безопасность и охрана труда» тўнямбал ончер радамыште эртаралтеш. Усталык паша-влакым кум номинацийыште аклат: сўрет, видеоролик да комикс. Тўрыс увер – biot-expo.ru/biotart сайтыште.

«География красок» конкурсыш ушнаш шонет гын, Брянсклан, Великий Новгородлан, Феодосийлан, Нальчиклан але Владикавказлан пўлеклаттше сўретым 26 май марте ямдылыман. Кумданракын – mk.rgo.ru сайтыште.

Марий Элысе увер

Республикысе йоча да самырык-влаклан В.Колумб лўмеш книгагудо «О войне, о мире, о Победе» сылнын лудмо конкурсым увертарен. Тушко 4-7 ияш йоча-шамыч ушнен кертыт. Конкурс 25 апрельыште книгагудышто эртаралтеш. 10 шагатлан тўналеш.

С.Г.Чавайн лўмеш Калыкле книгагудышто «Книга дарит вдохновение» республикысе конкурсым иктешленит. 186 самырык сўретчын пашаже аклаттын. Сенгыше-влак нерген nbmaricl.ru сайтыште пален налаш лиеш. Пашаштым книгагудышто ончереш веранденыт.

21 апрель гыч 18 май марте «Шарнымаш сад» акций кажне районышто эртаралтеш. Йодмашым 18 апрель марте mariles-vost@yandex.ru адрес дене электрон почтыш пуаш лиеш. Тений 500 тўжем озымым шындышаш улыт.



«Артекын» шўдыржў – Йошкар-Ола гыч!

«Артек» тўнямбал йоча рўде-рыште «Звезда Артека» конкурсым иктешленит. Йоча-влак смене жапыште шкеныштым чолган ончыктеныт. Смене мучаште йўклымў почеш сенгыше-шамычым ойыренит. Кумшо сменыште куд артековец сенгышыш лектын. Ик шўдыржў – «Кипарисный» лагерьыште каныше Ольга Номанова. Тудо Йошкар-Ола гыч! Бауман лицейыште тунемеш, «Артекыште» кокымшо гана лийын.

– Ты гана «Артекышке» олимпиадылаште да муро конкурслаште сенгышемлан миенан. «Звезда Артека» конкурсышто сенашлан чыла этапым эрташ кўлын. Ўдыр-рвезе-влаклан мастарлыкем ончык-

тенам. Семўзгар дене шоктенам, нуным туныктенам да ике гыч мурсеым кельшитараш тыришенна. Лагерь гыч мый волгыдо кумыл дене пўртылынам. Шуко у йолташым вашлийынам. Тыландат тиде «йоча пагытысе элыш», «Артекыш», логалаш тыланем! – ойла Ольга.

Ольган каныме кумшо смене «Крым. Артек. Россия» лўм дене эртаралтын. Кок тўжем наре йоча кanen, индешыже Марий Эл гыч лийын. Кызыт нылымше смене тўналын.

Катя СЕРГЕЕВА ямдылен. Снимкыште: Ольга Номанова да Мужество орден дене кок гана палемдалтше Илья Подорога. Фотом Марий Элысе Образований да науко министерствын сайтше гыч налме.



Шерге вашлиймаш

Кажне ийын школыштына ветеран-влак дене вашлиймаш эртаралтеш. Теният мемнан дек Виталий Николаевич Мосолов, Василий Михайлович Токтаров, Вячеслав Витальевич Кутузов толыныт ыле (снимкыште). Нуно Афган сарыште служитлымышт нерген каласкаленыт. Уна-ша-

мыч тунемше-влаклан спорт дене изинек кылым кучаш, капкылым шуараш да школышто кыртмен тунемаш тыланеныт. Мыйын шонымаште, тыгай вашлиймаш пеш кўлешан да шергакан.

Родион НЕБОГАТИКОВ.
У Торъял, Токтарсола.
Фотом школ архив гыч налме.

Эн виян да чолга самырык тукум

*Түңалтышыже – 1-ше
лаштыкыште.*

– Тыгай конкурсыш ушнымаш йоча-влак коклаште сылнымут иҥлышым ылыжта, йылмым, тўвырам шымлаш тарата. Адакшым икшыве-влак калык ончылно икеныштым ончыкташ тунемат. Ме ты таҥасы-машлан кужун ямдылалтынна. Садлан лектышыжат сай, – ойла коллектив вуйлатыше София Васильевна Никитина.

Чынжымак, кыртмен тыршымаш веле сенымашым конда. Ты ой дене Морко район Октябрьский школышто тунемше София Сенькинат (снимкыште) келша. Тудо «Шочмо верем» мурым йонгалтарымыж дене шке ийготан-влак коклаште ончыко лектын. Артист койышан, уста улмыжлан Марий Эл Кугыжаныш Погын Председателын алмаштышыже Лариса Яковлева пӧлекым кучыктен.

«Самырык тукум» конкурсышко куштышо ятыр ансамбль ушнен. 2-шо номеран Шернур школын



«Грация» ансамблже (снимкыште) «Шернур куштымашым» аклы-машке луктын. Ёдыр-влакын сценыште лывыла иймыштым жюри кўкшын аклен да икымше верым пуэн.

– Ме тўрлӧ калыкын куштымашыжым тунемына, репертуарыштына кызытсе хореографият уло. Конкурслаш ушнашак тыршена, чўкыдын сеныше радамыш лектына.

Ансамбль дене Ставрополь, Чебоксар, Зеленодольск олаш миенна, – палдара куштышо коллективын ик участникше Анна Бердинская.

Калык ончыко лўдде лекташ, шке мастарлыкым устан ончыкташ кугу кӧргӧ вий кўлеш. «Самырык тукум» конкурсыш ушнышо кажне йоча – шке семынже сеныше. Сенгыше-влакым Марий тўвыра рўдерын «ВКонтакте» лаштыкыштыже пален налаш лиеш.

Оля МАЙКОВА.
Авторын фотожо-влак.

Чонышко логалын кажне мут

5 апрельште Йошкар-Ола-се Йоча ден самырык-влакын усталык полатыштышт «Живая классика» всероссийский конкурсын регионсо этапше эртаралтын. Таҥасымашке республикысе тўрлӧ школ гыч 51 йоча ушнен. Ёдыр-рвезе-шамыч прозо гыч ужашым рушла да марла лудыныт. Руш сылнымутым каласкалыше кум сенгыше – Юлия Скулкина (Йошкар-Ола, «Синяя птица» гимназий), Сергей Петров (Марий Турек школ), Ариана Хорикова (Йошкар-Ола, 11-ше номеран лицей) – Марий Элын чапшым «Арте́к» тўнямбал йоча рўдерыште аралаш тўналеш.

Конкурсышто индеш ёдыр-марий сылнымутым лудмо дене мастарлыкым ончыктен.

– Тыгай таҥасымаште ўмаштат усталыкем тергенам. Сенгыше-влак радамыш лектынам. Мыланем сылнымутым



марла лудаш утларак келша, – ойла 1-ше номеран Шернур школышто тунемше да теният ончыко лекше Анна Прохорова. Тудо Вениамин Ивановын «Тўтан» романже гыч ужашым лудын. Марий йылмым туныктышо Надежда

Николаевна Якимова ямдылен. Марий секцийште тыгак Доминика Матвеева (Марий Турек школ) ден Анна Денисова (Курык-марий, Эман) ойыртемалтыныт. Нуным снимкыште ужда.

– «Живая классика» конкурсышто лудшо-влакым ятыр гана аклаш логалын. Йоча-влак уста улыт. Сценыште икеныштым кучен моштат. Тыште туныктышыштын тыршымышт коеш. Но конкурс деч ончыч туныктышо-шамычлан сылнын лудмо, могай произведенийым ойырым-мо шотышто семинарым эртараш гын, сай ыле. Йоча-влак южгунам йўкышт дене модыт, кидыштым утыждене лупшкедылыт. Тиде вет тўн огыл, – тыгай ой-каҥашым темла жюрин еҥже, Марий Элын сулло артистыкыже Марина Почтенева.

Оля МОШКИНА.
Авторын фотожо.



Яндар кас каваште шү-дыр-влакын поче-поче волгалтмыштым шекланенда, очыни. Нунын чотышт минут еда шукемеш. Йүд кава тымыкын коеш гынат, тушто эреак түрлө кончыш лиеда. Мемнан кундемыште мом, кушто да кунам ужаш лиеш? «Планета ИКС» астрономический клубын вуйлатышыже Константин Соловьев (снимкыште) ты да моло йодышлан вашешта.

– Йүд кавам кузе эскерыман?

– Пүсө шинчан улыда гын, öрыктарыше ятыр кончышым ужаш лиеш. Кычалаш куштылгырак лийже манын, лүмын келыштарыме приложенийым телефонышко шынден кертыва. Тудо тыланда компас семын шүдырым але планетым муаш полша да



Йүд каваште мом ужаш лиеш?

ш к е ш т нерген палдара. Астрофотографийым ышташ тунемаш лиеш: кызытсе телефонлаште профессиональный съёмко режим дене тидым ышташ йөн уло. Эскерашда лач ик мешанчык лектын кертеш – игече. Сандене игече могай лийшашым ончылгоч шергалман.

– Мемнан кундемыште могай кончышым эскераш лиеш?

– Тылзын вашталтмыжым, Кайыккомбо корным, түрлө шүдырым, йүдвел тулым да тўнямбал космический станцийын чонештымыжым идалык мучко эскерен кертыва. Пагыт дене ойыркалаш гын, шомым Меркурийым да Лириды метеор йогыным, кенжежым ший пылым да Персеиды метеор йогыным, шыжым Тылзе петырыным, телым Геминиды метеор йогыным ужаш лиеш. Тыгак у кометым але метеоритым шекланаш йөн уло. Каваште нунын волгалташ тўналмыштым он-



чылгоч шижтараш ок лий, сандене интернетште чын уверым шекланыза.

Пүртүс кончыш деч посна түрлө ракете-шамычын чонештымыжым ончаш пеш онай. Кызыт шуко агентстве трансляцийым эртарат, но южыжын чонештымыжым мемнан кундемыште шке шинча дене ужаш лиеш. Йүд кавам эскерен, ала теат астрономий деке кумылангыда?

Катя СЕРГЕЕВА мутланен.
Фотом еш архив гыч налме.

Окнаште – «пакча»

Йошкар-Оласе 80-ше номеран «Ўжара» йочасадын «Карусель» группышкыжо коштшо икшыве-шамыч кызыт окнаште ужал шоганым ончен куштат. Кажне йочан – шке шоганже. Тудын кушмыжым эскерат, вашталтым дневникеш возат. Теве Ангелина Крашениникова ден Вика Костромина (снимкыште), йочасадыш толмеке, окна лондемысе «пакчашкышт» вигак вашкат.

Надя ГОДУНОВА.
Авторын фотожо.



Школышто Кайыкын кечыжым палемдаш тўналме нерген уверым ешыште каласышым. Саша шольым куаныш. Ачам ден авам шырчык омартам ышташ полшаш сöрышт. Ончыч онгам ямдылышна, тўжвал велжым пужарышна, пудалышна. Кайыклан окна лийже манын, рожым келыштарен шүтышна. Омартам пушенгыш пижыкташ рейкым келыштарышна. Эрлашыжым школышко лач мый vele шырчык омартам ыштен

намиснам (снимкыште). Кугурак вожатый Елена Валериановна шольым ден когылянна шере пöлекым кучыктыш. Кастене еш дене пырля тамлышна. Мемнан ыштыме шырчык омартам школ кудывечышке сакалышна. Ынде мый кажне кечын омартамым эскерем. Тушто шырчык коеш гын, сай отметкым налам манын ўшанем.

Константин ЭМАНОВ.
Морка, Шүргыял.
Фотом школ архив гыч налме.



Сайын возышылан – «Ямде лий»

Пагалыме лудшо-влак, айста таче Башкортостан Республик Мишкан район Күрзе кыдалаш школыш унала каена да марий йылмым да литературым туныктышо Т.В.Алаева дене вашлийына. Тудо школышто латкандаш ий пашам ышта.

– Күрзе школышто 67 йоча тунемеш. Нунылан латкок туныктышо келге шинчымашым нуа. Ёдыр-рвезе-влак Күрзе, Ёлал Памаш, Айбылат ялла гыч тунемаш коштыт. Шукынжо марла мутланат. 1-2-шо класслаште ваиталтыш шижалташ тўналын, – ойла Татьяна Валентиновна.

Школышто марий йылме ден литературлан кугу тўткышым ойырат. Урок деч посна тўрлۆ

мероприятий эртаралтеш. Ик эн поян да лектышан – Йылме арня. Ик кечыже марий йылмылан тўрысnek пōлеклалтеш.

– Урок модыш семын эртаралтеш. Йоча-шамыч шинчымашыштым викториныште тергат, мастарлыкыштым КВН ден концертыште ончык-тат. Кугурак класслаште тунемше-влак марий йылме дене диктантым возат. Эн сайын серышылан «Ямде лий» газет ден «Кече» журналым кучыктем. Тидлан тунемше-влак моткоч йывыртат да куанен шергалыт, – ойла Татьяна Алаева.

Христина ТОКПУЛАТОВА.
Снимкыште: 5-7-ше класслаште тунемше-влак.
Фотом школ архив гыч налме.

Мудреч ковам



Миядык села Сиптык арка ден Баргызбаш энгер воктене верланен. Тушто Галя ковам ила. Тудеке унала чўчкыдын миём. Вет тушто эше кугезе ковам Алмабика Мустафиновна Янабаева ила. Тудлан – 88 ий, а мылам – 8 ий (снимкыште). Икте-весе дене пеш

келшена. Кувавамын илышыж нерген шарналтен каласкалымыжым колышташ йōратем. Тудо 11 ияшак ава деч посна кодын, ныл классым vele тунем пытарен. Ёмыржō мучко Крупская лўмеш колхозышто дояркылан пашам ыштен. «Пашан ветеранже» лўмым сулен налын. «Материнская слава» медальжат уло. Вич икшывым илыш корныш шогалтен. Кызыт кугезе ковамын 13 уныкаже да 26 кугезе уныкаже уло. Тудо кидпашаланат мастар, мураш йōрата, мемнам тамле сий дене сийла. «Илыш пиалан, улан лийже, пырля илаш, икте-весе-сылан полшаш кўлеш», – ойла кугезе ковам.

Валерия ВАЛИШИНА.
Башкортостан, Дōртылōй, Байгелде.
Фотом еш архив гыч налме.



Марий лўман олаште

Башкортостан Республик Калтаса, Мишкан, Пўрō районла гыч куд тунемше ден кум туныктышо Йошкар-Олашке марий йылме да литератур дене регион-влак кокласе олимпиадышке микроавтобус дене миенна. Тушто мемнам шокшын вашлийыныт, тўшкагудышко илаш пуртеныт. Сылне ола мучко экскурсийым эртареныт. Шуко сувенирым налынна, мотор фотом ыштенна (снимкыште). М.Шкетан лўмеш Марий национальный драме театрыште «Ваня чўчў» спектакльым онченна. Философий шўлышан ыле гынат, мыланем келшен.

Олимпиаде МарГУ-што эртаралтын. Мый марий йылме дене шинчымашем тергенам. Сенгыше-влак радамыш лектынам. Моткоч чот йывыртенам! У йолташ-влакым вашлийынам. Кызытат кылым кучена. Кок кече вашке эртен каен. Ушышто ик шонымашым кучем: Йошкар-Олам кенегежым ужаш гын, эшеат ямле ыле.

Аделина ЯПАРОВА.
Башкортостан, Пўрō, Кужнур.
Фотом еш архив гыч налме.





Кажне кундемын шке ойыртемеже: мутланымыже, йўлаже, мурыжо... Модышат тўн верым айла, тушто калыкын мунлыыкшо. Тудо писылыкым, тўткышым, ушым вияндыме деч посна коча-кована-влакын ожнысо илышышт, тўняумылымашышт дене палдара.

Шернур район Кукнур школышто кандашымше классыште тунемше Кирилл Новоселовлан (снимкыште) модыш нерген келгынрак пален налаш онай лийын. Историйым да обществензанийым туныктышо Е.С.Купсольцеван вуйлатымыж почеш «Игры наших бабушек и дедушек» шымлыме пашам возен. «Яналов лудмаш» республикисе естественно-научный конференцийышке ушнен да «Краеведений» таңасыште кумшо верым сенген налын.

Толза Шернурмыш модаш!

– Кызыт йоча-влак уремыште шуэн модыт. Школыгы толмеке, икте-весе дене ужын, вашийын мутланымаш шагал. Ко-ча-кована-влакын йочашт годым кузе модмышт нерген пален налаш кумыланьнам. Садлан Александр Китиковын «Марий калык модмаш», Алевтина Петухован «Детский фольклор народа мари» книгалаштым шаргалынам. Да, мутат уке, илалше ең-влак деч йодыштынам. Актун, Купсола, Кукнур ял ден селалам авалтенам. Тыгай иктешлымашым ыштенам: ожно икшыве-влак шуко жапым яндар южышто эртареныт. Модмашке кугең-шамычат ушненыт, туныктеныт, – ойла рвезе.

Марий калык утларакше пайрем годым модын: Шорыкийол годым – «Сокры тагала», Ёярня годым курыгыч тер дене тўшкан мунчалтен, Кугече годым муным пўрдыктен. Семьк пайремым пайремлыме годым «Вувер тоя» модышым поснак йўратеныт. Тиде модыш «12 пан-

гам» ушештара. Вўдышў Вувер лиеш, молыжо – шылше. Вувер юзо тояжым орола да модшо-влакым кычалеш. Йоча-шамыч шылгыт, икте куржын толешат да манеш: «Тук-тук, мый да чыла йолташем». Тыге чыла модшым утара. Вувер юзо тояжым ынже му манын, то-рашке кудалта. Тудын кычалме жапыште ўдыр-рвезе-шамыч угыч шылын шуктышаш улыт. Вувер чы-

ланыштым муэш гын, сенгыше лиеш. Тылеч вара вес вўдышым ойырат.

– Кукнур кундемыштына марий Йўштў Кугызан пўртышў уло. Тушто марий калык модыш дене палдарат. Тудым арален кодымашке кугу надырым пыштат. Йоча-шамыч, Шернур вел модыш-влак дене моднеда гын, унала толза. Пырля модына да каналтена! – ойла Кирилл.

Христина АЛЕКСАНДРОВА.
Фотом школ архив гыч налме.



Торык когыльо



Ик кечын Люба ковам ден пошкудо Галя ковам торык когыльым ышташ тарванышт. Ятыр жап воктенышт ончен шинчышым. Мыйынат полшаш кумылем лекте. «Айста мыят ыштен ончем», – манам. Мыланем мом да кузе ыштышашым, кузе тўрлышашым умылтарышт. Йыргешке форман руашыш когыльо кўргым пыштен пуышт, тўржым кузе кадырташ кўлмым ончыктышт, мый эркын-эркын тўрлаш тунемам. Иканаште ыш лек. А вара тўрлымў кажне когылем моторрак да моторрак лекташ тўнале (снимкыште). Чо-о-от куанышым. Люба ковам ден Галя ковадат йывыртышт, мокталтышт. Торык когылына моткоч тамле лие.

Мария МАМАЕВА.
Йошкар-Оласе 23-шо номеран школ.
Фотом еш архив гыч налме.

• Иззи озавате •

Подкогыльо

Кўлыт: 2 стакан ложаш, пел стакан вўд, 1 муно, 200 грамм шолтымo паренге, 200 грамм торык, 50 грамм ўй, шинчал.

Вўдым, ложашым, муным, шинчалым варен, руашым нўштылына. Изиш «каналташ» пыштена. Тыгодым когыльо кўргым ямдылена. Шурымо паренте ден торыкым варена. Тамлырак лийже манын, изишак ўмбалым але ўйым ешараш лиеш. Руашым йўрен, тыгыде онго-влакым пўчкедена. Когыльо кўргым пыштен тўрлена. Вўд шолаш пурымеке, когыльым оптена. Когыльо вўд ўмбаке нўлталайтмеке, 3-4 минут шолтена да луктына. Ўй дене варена але йыгена.





Арулык – куан

Тений шошо пеш ондак то-
льо. Лумат эр шулен пытыш.
Пүртүс вашталтеш. Мланде
ужар шудым да сылне пеле-
дышым кушташ ямдылалтеш.
Тудлан меат полшышаш улына.
Чакмарий школышто 5-ше «Б»
классыште тунемше-шамыч
школ йыр арулыкым ышташ
лектынна (снимкыште). Кажне
классын – шке кумдыкшо. Мы-

ланна стадион воктене логалын.
Кошкышо шудо ден лышташым
удырэнна. Класс вуйлатышынат
пырля лийын. Сылне шошо
кечын йывыртен пашам ыштен-
на. Ынде стадионышто физкуль-
тур урокым куанен эртарена!

Таня БЫЧКОВА.
Звенигово, Чакмарий.
Фотом школ архив
гыч налме.

12 апрель – Авиаций да космонавтике кече.

Мастар кид



Авиаций да космонавтике кече
вашеш тыгай сүретым ышташ
лиеш. Тидлан пластилин ден
картон кўлыт. Негыз семын кас
кавам да тылзым ыштыза. Кар-
тоныш пластилин куштылгын
пижеш. Умбакеже планет-ша-
мычым, кечым келыштарыза.
Космонавт ден ракетым ненчен
пижыктыза.

Палаш онгай

1960 ийыште Белка ден Стрел-
ка пий-влак, 40 коля да кок куголя
космосыш икымше гана чонгеште-
ныт. Варажым Уголёк ден Вете-
рок пий-влак кум арня илненыт.
Тылеч посна маймыл, пырыс, пий,
копшанге, шайтан (улитке)-влак
тушто лийыныт. А кок черепак
космосышто 90 кечым эртарен!

Историйм шергалына

1945 ий
13 апрельыште
совет войска-влак
Австрийын рўдо-
лажым, Веным, фашист тўшка
деч утареныт.

1945 ий 16 апрельыште Бер-
линский стратегический насту-
пательный операций тўгалын.

Шошо идалыкым пукша

Шошо – эн йоратыме пагытем.
Тудлан меат йывыртена, янлык
ден кайыкат куанат. Юж леве,
шўлашат куштылгырак. Кече шы-
ратен онча, уремышке ўжеш. А
тушто паша ятыр. Ме авам дене
суртна йыр шўкым эрыктышна.
Вашке мланде кошка, сад-пак-
чаште сомыл шуко лектеш. Кы-
зыт окна лондемыште помидор,
шере пурис, пеледыш кушкыт,
чоным куандарат. «Шошо кече
идалыкым пукша», – арам огыл
калыкыште тыге ойллат.

Юлия ЯГОДАРОВА.
Советский, Кельмаксола.

М. ШКЕТАН ЛҮМЕШ МАРИЙ КУГУЖАНЫШ ДРАМЕ ТЕАТР АПРЕЛЬ

11 дядя
18:00 ВАНЯ
Экзистенциальный драме 12+
А.Чехов

12 СПАСИ КАМЕР-
16:00 ЮНКЕРА ПУШКИНА
Цех-зал История одного подвига 12+
М.Хейфец

13 Любовь и голуби В.Гуркин
16:00 ЙОРАТЫМАШ ДА
КОГӨРЧЕН-ВЛАК 12+
Комедий

shketan.ru/afisha

Реклама.

Ямде лий

0+

Марий Эл
Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор –
А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыш урем, 20-шо порт.
Тел. 8(8362) 45-22-82.

Газетым редакцийыште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пумы жап –
14-00, фактически – 13-00.

Авторын да редакцийын
шонымашышт тўрлө лийын кертят.
Серыш-влак мөнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым Кыл, информационный
технологий да массовый
коммуникаций сферым
эскерыме шотышто
федеральный службын Юл кун-
дем федеральный округысо
управленийыштыже
регистраватыме.
Номер – ПИ № ТУ52-01404,
2023 ий 22 сентябрьыште пумы.

У конкурс

«ТУКЫМ КЫЛ»



Вика Костроминна ачаже, шольыжо, коча-коваже-влак дене пырля. Ишкар-Ола, 80-ше номеран «Ужара» йочасад.

Родо-тукым кокласе вашкыл ушанле да пенгыде гын, илаш куштылго. Сандене йоча-шамычлан тукум кыл нерген изинек ушештарыман. Ача-ава, коча-кова, изи-ака, шольо-шўжар деч посна чўчў, чўчўва-те, кока, чузай да моло дене палдарыман.

Пырля шогалын, фотом ыштыза да «Тукым кыл» фотоконкурсшко ушныза. Пашада пелен изирак заметкым возаш лиш. «Тукымыштыда кў дене кугешне-да?» йодышлан вашмутым пуыза. Тыге ешартыш лайкым налаш йўн уло. Пашада-влакым «ВКонтакте» соцкылысе «Ямде лий» – марла йоча газет» тўшкашке сообщений дене колтыза. Эн шуко лайкым погышо фотон озаже сенгышыш лектеш. Тўткў лийза. Йўклышў группын подписчикше лийшаш.

Ешартыш лайкым кузе погаш?

400 лайк:

2025 ийын кокимшо пелийжылан «Ямде лий» газетлан почто гоч подпискым ышташ да квитанцийжым але копияжым редакцийшке колташ.

200 лайк:

электрон под-пискым ышташ. 89371178238 номеран телефон

дене Сбербанкыш оксам колташ але тиде номерышке 200 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынарак лайкым налаш.

100 лайк:

фотода пелен тукумыштыда кў дене ку-

Сенгышылан – чапле пўлек.

Пашадам 29 июнь марте вучена.

гешныме нерген заметкым возаш. Тудым газет лаштыкклаш савыктена.

Ушештарена



мыняр шукрыак подпискым ыштеда, тунар шукрыак лайкым погаш йўн лиш. Тугеже газетлан возалташ родо-тукумдамат ушен кертыда.

Рекламе.


Ончыктымо цифр-шамыкым кучылтын, заданий-влакым шоньга.



Сўретым келшыше тўс дене чиялтыза.



Шотлыза



Келшыше ужаш дене ышыза.

